



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvací, 1625

De scrutinio conscientiæ in speciali. X

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

constituit ad bene agendum, & ad meliora semper proficiendum; nūllū verò tempus otiosè vanèque consumendum. Ad te ipsum vel sc̄r̄o reuertere miser homo, totus deditus externis; qui ignoras, quando vehet Dominus, & quām velox tibi instat exi-
tus mortis.

CAPUT X.

De scrutinio conscientia in speciali.

1. **Q**uoniam igitur iustus in principio sermonis accusator est sui; Pro. 12.

ideo diligentius perscrutanda est quotidiana conuersatio in speciali. Stultus odit increpationes, vanus non curat, superbus se excusat, piger dissimulat, dissolutus irridet. Sapiens verò vias suas considerat, præterita retractat, futura præcogitat, vitia exhorret, scripturas amat, precibus insudat. Doce sapientem, & amabit te. Secturus in bonis ambulas, si mala non lateant.

2. Capitulum culparum ergo tibi noueris diligentissimè esse seruandum. Multi computant pecunias & expensas rerum, pauci conscientiam & negligentias temporum discutiunt: ideoque magis deficiunt, quām proficiunt. Loquuntur bona, & non faciunt: detestantur mala in alijs, seipso autem negligunt in multis. Tu verò aliter institutus es. Et si verè proficere velis, omnis vespere te discutere non omittas. Quod si feceris, renouaberis spiritu mentis, & pacem habebit tabernaculum tuum. Securè dormies, & non erit qui exterreat quiescentem in Christo. Mirum valde & tremendum nimis, quod quis audeat ire dormitum, aliquo graui delicto occupatus, nec compunctus neque confessus. Proh dolor, plures percepit tua malitia & peccatorum fæcibus, subita morte extinctos, & omni amicorum solatio destitutos. Ad cauendam ergo detestabilem negligentiam in examinatione conscientiae propriæ, de omni verbo & opere iudicium tibi hora congruenti statue, & rationem villicationis tuæ à te ipso exige stricte. Serue male & piger, dic qualiter hunc diem expendisti?

3. Ecce notaui, quod hodie suscitatus, non statim alacriter surrexisti, pigrasti in lecto, vix ad ultimum signum te crexisti, & post alios tardior venisti. Non cantasti fortiter, nec attendisti diligenter. Vana retractasti, & præ inopia devotionis etiam dormitasti. Accelerasti ad finem & ad lectum, & hoc mihi valde est suspicuum; quia sicut impræparatus chorū intrasti, sic indeuotus existi. Verba multa prōpsti, paruum fructū retulisti. Tardè etiā hodie ad opus accessisti, accediosè, laborasti. Locutus es inutilia, interrogasti curiosè, iudicasti suspiciosè, risisti sēpe dissolute, detraxisti, cōmotus fuisti. Corde & oculis euagatus es in choro, in mēsa, & modicum ad lecta attendisti. Secularia verba cāute auscultasti;

verba Christi & sanctorum dicta malè retinuisti. De cibo & potu cogitasti, & audie comedisti. Gauisus es de melioribus ferculis, desiderasti amplius, de vilioribus murmurasti. Non fuisti patientis in modico defectu, nec continens à meliori; sed magis quam fratri absidenti id adaptasti. Quæsiuisti te in paruis, & maiora (scilicet fidelitatem & charitatem) perdidisti. Negligenter horas legisti, sine deuotione, sine debita attentione, & sine distincta prolatione verborum.

4. Vide ubi corruisti, & desine superbire & gloriari de bonis Deo perceptis. Gemens deplora interioris hominis statum, multis passionibus implicatum. Scrutare abscondita cordis, si ira, inuidia, si concupiscentia, si auaritia, si impatientia aut tristitia mouit & superauit. Nec solum de malis peractis inuestigandum est, sed etiam de bonis neglectis perquirendū. Si beneficia Dei gratiarum actione cogitasti. Si pro amicis & aduersarijs oratione reverentiam prælato, & minoribus fratribus dulcedinem chartatis exhibuisti. Si infirmis & tentatis compassus fuisti. Si petenti auxilium, si moerenti solatium impendisti. Si denique honorem Dei simpliciter & purè quæsiuisti. Si humanam laudem strenuevitasti. Si propriam voluntatem promptè abnegasti; si te nulli prætulisti. Si patienter correctiones acceperisti; si pœnitentiam iunctam humiliter implesti. Si nemini molestus fuisti; si laeti clementer indulsti; si ab iniuriato veniam postulasti. Si deuotus celebrasti; si attente cantasti; si pertinax non fuisti. Si ad humili opera festinasti; si contemptus non contraxisti. Si malum promoto reddere non cogitasti, sed in bono malum vincere studuisti. His sacris scrutinij mens tua inuigilet: istis se frequenter distractat, increpet, & emundet; ut gratiam cautè conserues, amissam recuperes, & ad spiritualem profectum vehementius incitem, deflens omne malum, quod hac die perpetraasti.

CAPVT XI.

De hora dormitionis & nocturna quietis.

1. **A**ntequam vadas dormitum, bona meditatione & oratione iudicio, quod te magis compungit, seriosè memento. Inuoca Iesum & Mariam, & Angelos sanctos; vt te custodiant, ac illusiones nocturnas à te longius repellant; ne sit somnus tuus bestialis, sed sobrius, pudicus, & quietus. Ad sobrium somnum iuuat bona custodia cordis ac sensuum per diem. Quæ enim vigilando exercetur, horum imagines in somnis libenter apparent. Signa frontem, os, & pectus: vt Deus cor tuum ab omni malo præserueret, renesque constringat.

2. Si